

gut Jesus Christ, ash ga hazaklkh gish ga Shimoigiat ga Lakāga Nagwādum ga ;

4 A ma shim wilai dit, waikia, shipshiebunsh ga Shimoigiat ga Lakāga, gū na kshanakunishk ga shim.

5 Gū na wila goiduksh ga Am da Malshk gumt ā gwashim althga amuksha algiakt, yagai gik di shpagait gutgiadt, dilth shpagait Amt ga Haik ga, dilth shim tkash whati yahoit ; niwāda ma shim wila wilai da gau wilash gigiadit nūgum ā na wila geluksh gwun gwuniazantk gum da gwashim ash nūshim gun wālumt.

6 Ada inzā'ilshim da gum, dilth Miyān ga, ā ltha ma shim wil gāsh ga Algiak ga ā shpagait zū'um gunhakhak gut, ada tkulhokshk gish ga na gunlthgwish gūsh ga Amt ga Haik ga ;

7 Ada wil di sha inzā'ilshk gashim da tkāni gashimhoudiksha dida Macedonia dilth Achaia.

8 Awilt nūshim wil kshawātk gum dildal dash ga na Algiaksh ga Miyān ga, ā althga amuksha Macedonia dilth Achaia, yagai gup tkāni n'dā wil hidō na shimhoudiksha shim gish ga Shimoigiat ga Lakāga ; gun gau za gun gik ligi algiagum.

9 Awil dish dup lip niadt in hidōun wila wālumt wila zilum akaklthgum dā gwashim ; dilth ma shim wila liqudāduksha tkulzipzabut ā ma shim hapsh ga Shimoigiat ga Lakāga, ā dum wāunshk ga shim gish ga didōlshum shimhoum Shimoigiat ga Lakāga ;

10 Dilth ma dum shim babōadash ga Lthgōlthk gut ga dum wātk gut gish ga lakāga, gū ga na gik giniant gish ga wātk gut gish ga shpagait dūt ga, ninish Jesus ga, gū nat in kbadogum gish ga gunlthū'undi ga dum goidukshit ga.

CHAPTER II.

1 Awil ma shim lip wilai dit, waikia, na wila zilum akaklthgum da gwashim, gū althga wha nahoium wālt :

2 A yagai n'ltha hakhak gumt, ada shimgult lthawilāqudumt, gū wilai-shimt, ash ga Philippi da, ada yagai Shimoigiat ga Lakāga gun wha libāshumt a dup malthash ga Amt ga Malshk gish ga Shimoigiat ga Lakāga gwashim ā dup shim da hakhekul dit.

3 Awil althga di gishlth na hai-zungushk gum, za ligi whati shakshk gut, za ligi yāmgushk gut :

4 Ada niwādat wila anaugum ga Shimoigiat ga Lakāga a dumt wil habau'unsh ga Amt ga Malshk gaga, Ada nini wila alalgiagumt ; althga dumt ligi shalthgwishgū dalth giat, yagai Shimoigiat ga Lakāga gūt in bāl gagaudumt.

5 Awil hawalthk ga di ligi wātk ga za wil dup hoilth algiagum haiyō-zumshk, gū wilaiashim, za ligi di dup lūqulthiālth lūzagum gaud ; Shimoigiat ga Lakāga magauunshk gut ga :

6 Za ligi dup di gwilthgagūelth lthaumshk gum giat, dilth za wātk ga da gwashim, dilth ligi lukshgigiadit, ā al zō althga lthgūshk gulth n'dum gwilth shgahakhokshgum ā gwashim, niwāda apostles gish Christ.

7 Ada al na yagai shim amagigia-dum da shpaga shimt, niwādat wila lūdumdamba habaulumlthk ga n'lip gubutgūelthksha dit.

8 Nini wilawāl wil hade gaudum dā gwashim, na gun dup anauga dup dum kshaginamsh ga Amt ga Malshk gish ga Shimoigiat ga Lakāga gwashim, ada althga ksha dawālt, yagai gik di n'lip ashazuunumt, āwil shimgul hadauklthgum dā gwashim.

9 Awil ma shim a'abuga dit, waikia, na hakhalthalshumt dilth na hakhak